



Broj: 07-41-1-820- / 24
Sarajevo: 29. 01. 2024. godine

Na osnovu člana 15. stav (3) Zakona o Savjetu ministara Bosne i Hercegovine („Sl. glasnik BiH“, br. 30/03, 42/03, 81/06, 76/07, 81/07, 94/07 i 24/08), člana 62. Zakona o upravi („Sl. glasnik BiH“, br. 32/02 i 102/09), člana 2. stav (2) Zakona o slobodi pristupa informacijama na nivou institucija Bosne i Hercegovine („Sl. glasnik BiH“, broj 61/23) i člana 17. Zakonom o azilu („Sl. glasnik BiH“, br. 11/16 i 16/16) postupajući po zahtjevu [REDACTED] Ministarstvo bezbjednosti Bosne i Hercegovine,
d o n o s i.

RJEŠENJE

Odbija se Zahtjev [REDACTED] za pristup informacijama, koje su tražene aktom broj: 07-41-1-820/24, od 23.01.2024. godine u skladu sa Zakonom o slobodi pristupa informacijama na nivou institucija Bosne i Hercegovine.

Obrazloženje

[REDACTED] obratila se Ministarstvu bezbjednosti BiH sa zahtjevom da se u skladu sa Zakonom o slobodi pristupa informacijama na nivou institucija Bosne i Hercegovine dostave informacije o:

1. Trenutnom statusu tražitelja azila iz Slovačke, odnosno da li ima status izbjeglice, tražitelja azila, da li je politički azilant ili drugo obzirom na informaciju da je zatražio azil sredinom decembra 2023. godine;
2. Dalji koraci, obzirom da je on treći slovački visoki bezbjednosni službenik koji je od slovačkog pravosuđa pobjegao u BiH i da se radi o osuđeniku.

Članom 17. (*zaštita podataka*) Zakona o azilu je propisano da je u postupcima azila javnost isključena. Informacije do kojih se u postupcima dođe smatraju se povjerljivim. Informacije o strancu koji iskaže namjeru za podnošenje zahtjeva za azil, tražitelju azila, izbjeglici ili strancu pod supsidijarnom i privremenom zaštitom neće se odavati zemlji porijekla ili trećoj strani bez prethodne saglasnosti lica na koje se odnose. Stavom (3) istog člana se propisuje da se na svaku obradu, pristup i korišćenje ličnih podataka o tražiocu azila, izbjeglici, strancu pod supsidijarnom zaštitom ili privremenom zaštitom primjenjuje Zakon o zaštiti ličnih podataka („Službeni glasnik BiH“, br. 49/06 i 7/11).

Nadalje, članom 2. stav (2) Zakona o slobodi pristupa informacijama na nivou institucija Bosne i Hercegovine je propisano da se odredbe navedenog zakona ne primjenjuju na informacije za koje postoji obaveza čuvanja tajnosti, u skladu sa posebnim propisima kojima se uređuje oblast tajnih podataka.

U konkretnom slučaju, u postupku ostvarivanja prava o slobodnom pristupu traženim informacijama primjenom odredbe člana 2. stav (2) Zakona o slobodi pristupa informacijama na nivou institucija Bosne i Hercegovine, a u vezi sa članom 17. Zakona o azilu, riješeno je kao u dispozitivu ovog rješenja.

Protiv ovog rješenja može se u roku od 15 dana po prijemu podnijeti žalba Žalbenom vijeću pri Savjetu ministara Bosne i Hercegovine kao i žalba Ombudsmenu Bosne i Hercegovine.

Dostavljeno:

- [REDACTED]

- [REDACTED]

71 000 Sarajevu

- a/a

